



**OTO.....
su contu de un’Ursiteddu.**



REGIONI AUTONOMA DI LA SARDIGNA
REGIONE AUTÓNOMA DE SARDIGNA
REGIONE AUTONOMA DELLA SARDEGNA

**Progetu “Li Linghi di Tarranóa - Sas Limbas de Terranoa” - Annualidade 2023 -
Progetu finanziadu dae sa Regione Sardigna - Lege 482/1999, articulos 9 e 15;
L.R. 22/2018 Annualidade 2023**

OTO.....

su contu de un'Ursiteddu.

SA DIE CHI MI SO AGATADU IN MUSTRA IN SA VETRINA DE SU BUTEGAJU, APO NADU A MIE E TOTU: "SES CUMINTZENDE A IMBETZARE, CARU OTO!".

SO NÀSCHIDU IN GERMÀNIA, IN UNA FÀBRICA MINOREDDA E FINAS COMO M'AMMENTO CANDO MI PUNGHIAN CUN SOS AGOS, PRO MI COSIRE. SA PRIMA COSA CHI APO BIDU CUN SOS OJOS MIOS DE BIDRU EST BISTADA UNA FÈMINA. M'AT LEADU IN PESU E AT NADU:" ABBAIDADE, ITE CURIOSU CHI EST?" M'AT IMBOLIGADU IN UNU PABIRU FINE E M'AT TANCADU INTRO DE UN'ISCÀTULA.



UNA BELLA DIE APO INTESU BOGHES, POI PAGU DE BURDELLU, UNU SONU DE PABIRU CHI SI SEGAIAT E A S'ISPESSADA APO BIDU SA LUGHE! IN DAE IN ANTIS A MIE APO BIDU SA CARA MERAVIZADA DE UNA CREADURA. PRUS A TARDU APO ISCHIDU CHI SI NARAIAT DAVID E CHI DEO FIA SU REGALU PRO SU CUMPLEANNU SUO.



A MI PÒNNERE SU NÙMENE OTO, SUNT ISTADOS DAVID PARIS A OSCAR, CHI FIAT SU MENZUS AMIGU CHI AIAT E ISTAIANT ATACADOS DE DOMO. PARIS FÌAMUS UNA COSA SOLA, OGNI DIE NOS IMBENTAÌAMUS CARCHI GIOGU NOU.

UNA DIE AMUS DETZISU CHI DEPIA IMPARARE A ISCRIÈRE, MA SAS MANOS MIAS FIAN T PAGU ADATAS PRO IMPITARE PINNAS E TINTERIS. SU RISULTADU EST ISTADA UNA MÀNCIA MANNA CHI NON SI ND'EST ANDADA MAI DAE SA CARA MIA. MA CUN SA MÀCHINA DE ISCRIERE DE SU BABBU DE DAVID, FIAT TOTU PRUS FÀTZILE.



PRO NOIS FIAT UNU GUSTU FINAS A ASSUCONARE SA SENNORA SCHMIDT, UNA FÈMINA CHI ISTAIAT IN SU PIANU SUTA A DOMO NOSTRA.

FINAS A CANDO NO EST ARRIBADA SA DIE CHI DAVID DEVIAT GIUGHERE UN'ISTEDDA DE COLORE GROGU CUN S'ISCRITA: "EBREU". TOTU DEVIANT BIDERE CHI ISSE FIAT DIVERSU DAE SOS ÀTEROS.



MA SOS ÒMINES NON SUNT TOTUS PRETZISOS?

OTO..... su contu de un'Ursiteddu.

NOIS TRES NON CUMPRENDIAMUS PRUS ITE FIAT
CAPITENDE IN SU MUNDU.

PAGAS DIES A POI, ÒMINES BESTIDOS IN DIVISA E CUN
GABBANOS NIEDDOS ARTZIEINT IN SAS ISCALAS CUN PASSU
LESTRU, FIANI BÈNNIDOS A CUE PRO SI GIUGHERE A
DAVID PARIS A SU BABBU E A SA MAMA.

“OTO, TUE RESTA INOGHE CUN OSCAR” CUSTA EST S'UNICA
COSA CHI M'AT NADU DAVID CANDO M'AT SALUDADU
CUN SOS OJOS PIENOS DE TRISTURA.

LU BIDEMUS ARTZIARE IN UNU FURGONE E PARIS A UNU
MUNTONE DE ZENTE, TOTUS CUN SAS ISTEILLAS IN SA
PETORRA, E SI LOS ANT GIUTOS NO ISCO A IN UE.

COMO DEO CUN OSCAR FÌAMUS SOLOS. A DIES RESTAÌAMUS
TOTU SU NOTE ISCHIDADOS E FAEDDAIAMUS DE S'AMIGU
NOSTRU. UNA DIE FINAS SU BABBU DE OSCAR EST DÈVIDU
PARTIRE PRO SA GHERRA, SU MUNDU FIAT ANDENDE MALE.

..... POI DE PAGU TEMPUS, SUNT CUMINTZADOS SOS
BOMBARDAMENTOS AÈREOS E CANDO SONAIANT SAS
SIRENAS, ANDAIAMUS IN PRESSE A NOS COSTOIRE. IN SAS
CARRERAS, ORAMAI, B'AIAT SOLU CHISINA E MUROS
DERRUTOS.

UNA DIE INTENDEMUS UNU TZOCU PRUS MANNU E PRUS
FORTE DE SAS ÀTERAS BIAS E DEO MI SO PESADU IN BOLU E
MI NCHE SO PASSADU. MI NDE SO ISCHIDADU SUBRA DE
CANTOS DE PEDRA E A FIANCOS A MIE, B'AIAT SOLU MUROS
DERRUTOS E PIUERE.

POI SUNT ARRIBADOS SOS SORDADOS E SOS CARROS
ARMADOS, S'INTENDIANT SOS ISPAROS. IN GIRU B'AIAT
SOLU GHERRA. A S'IMPROVISU UNA CARA MERAVIZADA SI
FIRMEIT A ABBAIDARE A MIE E MI ND'AT PESADU DAE
TERRA. IN CUSSU MOMENTU PRETZISU APO INTESU
UN'ISPARU E UNU DOLORE FORTE A SA PETORRA. FINAS SU
SORDADU CHI M'AIAT COLLIDU DAE TERRA EST ISTADU
FERIDU DAE S'ISPARU E DUOS INFERMIERIS NOS ANT
AGIUADU E NOS ANT COLLIDU PRO NOS ACUMPANZARE A
S'ISPIDALE.




OTO..... su contu de un'Ursiteddu.

SU SORDADU SI NARAIAT CHARLIE, MI MANTENIAT SEMPER
CUN ISSE E A TOTUS NARAIAT SA MATESSI COSA:

“LU BIDIDES CUSTU URSU MINOREDDU? M'AT SARVADU SA
VIDA, EST ISSE CHI AT DEVIADU SA BALLA CHI MI DEVIAT
MANDARE A S'ÀTERU MUNDU”

CHARLIE RETZEIT UNA MEDÀLLIA, MA IMBETZE DE SI LA
BESTIRE ISSE MI L'AT POSTA IN SAS PETORRAS MIAS.



SA FOTO MIA EST ISTADA POSTA IN TOTUS SOS GIORNALES
E DAE SA DIE SO DIVENTADU SU PORTA FORTUNA DE
TOTUS SU REGIMENTU. FINIDA SA GHERRA, CHARLIE EST
TORRADU IN AMÈRICA E M'AT REGALADU A SA FIZA
JASMINE.

MANCU MALE, COMO AIA TORRA UNA DOMO, MA SA
FORTUNA MIA NO EST DURADA MEDA, CA UNA DIE FIAT
FATENDE UNA PASSIZADA E NCHE SO INFERTU IN MANOS A
UNA GREFA DE PISEDOS PAGU DE BONU,
MESU TZEGU, MALTRATU E ISTRATZULADU, M'ANT
IMBOLADU A INTRO DE UNU BIDONE DE ARGÀ.



M'AT AGATADU UNA FÈMINA MANNA CHI FIAT
CHIRCHENDE COSA INTRO DE SU BIDONE.

ISSA M'AT BÈNDIDU A UNU BUTEGAJU, CHI MI NCHE AT
BOGADU SU TIPIDIU DAE SUBRA, M'AT SABUNADU, COSIDU
E TAPULADU. “SES PRÒPIU UNU BELLU PETZU DE
COLLEZIONE” AT NADU CUNTENTU, E M'AT SISTEMADU
IN SA VETRINA SUA.

TOTUS SOS CHI COLAIANT IN CUE, NON MI NOTAIANT,
UNA DIE, A POI DE ANNOS MEDA, GIAI CHE FIAT ORA,
UN'ÒMINE MANNU CHI FIAT IN CUE IN VACÀNTZIA, SI
FIRMEIT E RESTEIT A BUCA ABERTA IN DAE IN ANTIS A SA
VETRINA. CUN SOS OJOS MERAVIZADOS, A BOGHE BASSA
AT NADU: “OTO!” E CURRENDE EST INTRADU A SA BUTEGA.
FIAT OSCAR. FAEDDENDE UN'INGLESU UNU PAGU GASÌ E
TOTU CHI PARIAT MASTIGADU, CONTAT A SU BUTEGAJU
COMENTE NOS FIAMUS CONNOTOS E M'AT COMPORADU.



OTO..... su contu de un'Ursiteddu.

S'ISTÒRIA NOSTRA EST FINIDA IN TOTUS CANTAS SAS PRIMAS PÀGINAS DE SOS GIORNALES.

IN S'ISTÀNTZIA DE S'ALBERGO DE OSCAR, UNA SERA AT SONADU SU TELÈFONO. L'APO INTESU FAEDDENDE E NARAIAT: "DAVID, NO EST POSSÌBILE! EMMO, EMMO, GIAI BENIMUS!"

POI DE PAGU FÌAMUS TOTUS E TRES IMPARE, FATENDE FESTA CA NOS FÌAMUS TORRADOS A AGATARE. SOS CONTOS CHI APO ASCURTADU FIANI DOLOROSOS MEDA, DAVID E OSCAR FIANI SOS ÙNICOS DE SAS FAMÌLIAS ISSORO CHI SI FIANI CAMPADOS. DAVID PARIS A SA FAMÌLIA SUA CHE FIANI IN UNU CAMPU DE CUNTZENTRAMENTU, E SU BABBU E SA MAMA NCHE SUNT MORTOS IN CUE.

SU BABBU E SA MAMA DE OSCAR PURU FIANI MORTOS, SU BABBU IN GHERRA E SA MAMA IN UNU BOMBARDAMENTU DE AÈREOS.

COMO, NUDDA NOS PODIAT TORRARE A DIVIDERE! AMUS DETZISU DE RESTARE AUNIDOS E CHIRCHEMUS UNA DOMO PRO NOIS TRES. SA VIDA POI DE TEMPUS, FIAT COMENTE DEVIAT ÈSSERE, CUN PAGHE E SERENIDADE E DAE CUE A PAGU TEMPUS, UNU PAGU PRO MI NCHE COLARE S'ORA APO CUMINTZADU A ISCRÌERE S'ISTÒRIA NOSTRA.

